

“ТАСДИҚЛАЙМАН”

Фарғона жамоат саломатлиги
тиббиёт институти ректори
А.Сидиков
2021й

Фарғона жамоат саломатлиги тиббиёт институтининг
Кенгаш йигилиши № 3- сонли баённомаси

29.10.2021 йил 15.00

Фарғона ш.

Раислик қилувчи: А. Сидиков - Фарғона жамоат саломатлиги тиббиёт
институти ректори
Қатнашдилар : ФЖСТИ Илмий Кенгаш аъзолари (руйхат бўйича)

Кун тартиби:

1. 2021/2022 ўқув йилида илмий педагог кадрларни тайёрлаш ҳолати ва режалари. Маърузачи: Фарғона жамоат саломатлиги тиббиёт институти Илмий тадқиқотлар, инновациялар ва илмий педагог кадрлар тайёрлаш бўлими бошлиғи – PhD М.Р. Қодирова.
2. 2021-2022 ўқув йилидаги "Ёшлар билан ишлаш, маънавий ва маърифий ишлар" ҳолати ва режалари. Маърузачи: Институтнинг "Ёшлар билан ишлаш, маънавий ва маърифий ишлар" бўйича проректори: Д. Холматова
3. Ҳар хил масалалар.

Ректор - А. Сидиков кириш сўзи олиб, 2021/2022 ўқув йилида, кунни кеча Тошкент шаҳрида ўтказилган илк, “Амалий тиббиёт кўникмлари” халқаро талабалар олимпиадаси якунларига тўхталиб ўтди.

Институтимиз жамоасидаги зиёли профессор ўқитувчиларимизни тарбиясини олган издошларимиз, иқтидорли талабаларимизни “Тиббиёт моҳирлари” номинациясида эришган ютуқлари – **“иккинчи ўрин”**ни олишгани билан табриклади (руйхати илова қилинади). Халқаро олимпиада ғолибларига институт ошхонасида бир йил бепул овқатланиш имтиёзи берилиши ҳамда шу олти нафар талабаларга ректор стипендиясини жорий этиш учун Кенгаш аъзоларидан овоз беришларини сўради ва бу таклиф бир овоздан маъқулланди.

Ректор-А. Сидиков, шу кунгача “Тиббий профилактика ва жамоат саломатлиги” факультети декан ўринбосари лавозимида фаолият кўрсатаётган Н. Комилов номзодини институт “Таълим сифати назорати” бўлими бошлиғи лавозимига тайинлаш учун Кенгаш аъзоларидан овоз беришларини сўради ва бу таклиф ҳам бир овоздан маъқулланди.

“Таълим сифатини назорати” бўлимида ишлаган Б. Қодировни “Даволаш ишлари” бўйича ёрдамчи лавозимига тайинланганлигини айтди.

1 - Масала. Кун тартибидаги биринчи масала юзасидан сўз, Илмий тадқиқотлар, инновациялар ва илмий педагог кадрлар тайёрлаш бўлими бошлиғи – PhD М.Р. Қодировага берилди.

2021 йилда эришилган илмий соҳадаги ютуқларга тўхталиб, “Start-UP” лойиҳаси учун 90 000 000 сўм молиялаштирилиши кутилаётган Турсуной Каххорованинг лойиҳа иши ҳамда “Анатомия” кафедраси профессори Ю.Н. Нишонов ва ҳаммуаллифлар томонидан тайёрланган “Анатомия” (рентгенанатомия) дарслигига Олий таълим Вазирлигидан нашр этиш учун берилган гувоҳнома (гриф) айтиб ўтилди.

Фарғона жамоат саломатлиги тиббиёт институти кафедралари кесимида 2021 йил илмий ҳисоботлар учта кафедра мисолида ўрганилганлиги айтиб ўтилди. Унда, “2-сон ички касалликлар” кафедраси, “1-сон ички касалликлар” кафедраси ва “Патология асослари” кафедраси ходимлари томонидан олиб борилган илмий фаолият ҳисоботи келтирилди (илова қилинади).

А. Сидиков сўз олиб, илмий тадқиқотларни фундаментал фанлар кесимида жадаллаштириш, халқаро ҳамкорлар билан монография, дарслик ва ўқув қўлланмаларни чоп этишни йўлга қўйишга чақирди. Жумладан Россия давлати нашриётининг Ўзбекистондаги ваколатли тармоғи “ГЕОТАР*Медиа” билан ҳамкорликни ривожлантириш лозимлигини айтди. Барча кафедраларда нашр режасида кўрсатилган адабиётларни ўз муддатида чоп этишлари мақсадга мувофиқлигини айтиб ўтилди. Шу ўринда, 2022 йил учун 1030 – буйруқ асосида қўшимча ҳақ тўланишида ушбу нашрлар ҳамда чоп этиладиган хорижий мақолалар катта аҳамият касб этишига диққатни қаратди.

М.Р. Қодирова маърузаси давомида, 2021 йил якунига қадар биттадан қўлланма ва дарсликни имкон қадар якунлаб чоп этишга топширишни ва шундай ҳолда камида 10% устамага, мингталик олий таълим муассалари рўйхатида турадиган институтларда онлайн маърузалар ташкиллаш учун 15%, хорижий патент олишга 30% устамлар белгиланиши мумкинлиги ҳақида айтиб ўтди. Шу билан маърузачи сўзини якунлади.

Маърузачига берилган саволлар:

1-савол: Ш.Б. Мухитдинова томонидан, ПШР лабораториясини клиник база ҳисобланган вилоят Юқумли касалликлар шифохонаси худудига жойлантирилса, илмий ва амалий фаолиятни ривожлантирилишига ҳамда профессор ўқитувчиларни илмий фаолияти натижаларини лаборатор таҳлиллар асосида мукамал баҳолаш, хорижий журналларда илмий мақолалар чоп этишда катта аҳамият касб этишига сизни фикрингиз қандай?

Жавоб: А. Сидиков томонидан берилди, яъни бу ҳолатда Кенгаш аъзолари маъқулласа, уни ташкиллаш мақсадга мувофиқ бўлишини айтиб, овозга қўйди ва бу таклиф бир овоздан маъқулланди.

2- савол: т.ф.д. Б.Б. Мирзаев томонидан берилди. Илмий ишларни мукамаллик даражасини баҳолаш ва камчиликларини бартараф этиш

мақсадида институт қошида илмий семинар ташкиллаш ҳақида қандай фикрдасиз?

Жавоб: Албатта бу мақсадга мувофиқ бўлади. Ҳозирги кунга қадар мустақил изланувчиларни ҳимоядан олдинги семинарлари Кенгаш ҳузурида тинглаш амалда қўлланилмоқда. Махсус илмий семинарлар ташкил этиш ва уни низомини ишлаб чиқиш бизни режамизда кўзда тутилган.

3-савол: т.ф.н. Содиков У.Т. томонидан берилди. Клиник кафедраларда мавжуд илмий тадқиқотларга оид муаммолар билан танишиб чиқдингизми?

Жавоб: Ҳар бир кафедра кесимида, ёш тадқиқотчилар билан суҳбат ўтказилиб, уларнинг "Start-UP" лойиҳалари муҳокамалари ўтказилган.

Ректор А. Сидиков сўз олиб, клиник кафедралар кесимида илмий фаолият олиб бориш масаласи вақтинча (таъмирлаш ишлари олиб борилаётгани учун) оқсатганлигини айтиб, улардан асосан илмий фаолият учун кўрсаткич сифатида дарслик, ўқув қўлланма, монографияларни тайёрлаш, айниқса, уларни ҳалқаро миқёсда чоп этиш мақсадга мувофиқ бўлишини айтиб ўтди.

М.Қодирова қўшимча қилиб, таълим ва тиббиётга оид лойиҳаларда иштирок этиш учун эълон берилганлигини, уларда барча кафедра мудирларини фаол иштирок этишга чақирди.

2-масала. 2021-2022 ўқув йилидаги "Ёшлар билан ишлаш, маънавий ва маърифий ишлар" ҳолати ва режалари ҳақида ҳисобот бериш учун сўз, Институтнинг "Ёшлар билан ишлаш, маънавий ва маърифий ишлар" бўйича проректори: Д. Холматовага берилди.

Д. Холматова, ўтказилган тадбирлар режа асосида олиб борилаётганига тўхталиб, "Аждодлар хотираси", "Ҳалқаро қизлар куни", "Менинг сайлов жойим" ва "Сайлов ҳуқуқингизни биласизми?" тадбирларини кўтаринки руҳда ўтказилганлигини айтиб ўтди. Шу билан бирга, талаба қизлар билан ўтказилган "Психологик ёрдам" тадбирни ўтказилганлиги кўрсатиб ўтилди. Куни кеча ўтказилган "Гиёҳвандликка қарши кураш" тадбирини вилоят ички ишлар ходимлари ва вилоят оммавий ахборот воситалари иштирокида ўтказилганлиги ҳам айтиб ўтилди.

Маърузачи ўз ҳисоботида, ижтимоий аҳволи оғир талабаларни контракт суммаларини тўлашда молиявий ёрдам бериш амалиёти йўлга қўйилганлигини айтиб ўтди. Шу билан маърузачи сўзини якунлади.

1-савол: т.ф.д. Б.Б. Мирзаев томонидан берилди. Узоқ вилоятлардан қатнаётган талабаларга давоматни таҳлилини ўтказиш, ҳамда турар жой муаммоларини бартараф этишда қандай ишлар олиб борилмоқда?

Жавоб: Узоқ вилоятлардан қатнайдиган талабаларни давоматини яхшилаш мақсадида ётоқхоналарга (талабалар турар жойларига) жойлаштрилганлиги, ижарада турувчи талабалар рўйхати шакллантирилиб, ижара шартномаси асосида уларни ижара суммаларини ҳокимият томонидан тўлаб берилиши учун ҳужжатлар расмийлаштирилаётганини айтиб ўтди.

3. Ҳар хил масала.

А. Сидиков сўз олиб, Институт газетасини тарғиботини ташкиллаш, уни нуфузи ва амалий аҳамиятини ошириш учун, вилоят шаҳар ва туманларидаги

Соғлиқни Сақлаш муассасалари кесимида тарғибот ишларини олиб боришга чақирди. Бунинг учун туман ва шаҳар тиббиёт бирлашмаларида институт фаоллари ҳамда иқтидорли талабалар ёрдамида газета тақдимотини ташкиллаш топшириғини берди.

Шу ўринда, профессор М. Қорабев сўз олиб, институтимиз номидан келиб чиқиб, аҳоли ичида учрайдиган беморларни даволаш билан эмас, балки мавжуд саломатлик кўрсаткичларини сақлаб қолиш учун, яъни соғлиқни сақлаш учун тадбирларни амалга ошириш кераклигини айтди. Шунинг учун, институтимиз қошида “Соғлом турмуш тарзи” Халқ Академиясини ташкиллашни таклиф этди, бу таклиф овозга қўйилди ва бир овоздан маъкулланди.

3. Ҳар хил масала.

Ўқув ишлари бўйича проректор сўз олиб, 1 –ноябрдан 3 курс “Даволаш иши” йўналишидан бошқа барча йўналишларда, дарс машғулотлари бир сменада ташкилланиши ҳақида айтиб ўтди. Дарс машғулотлари эрталаб 8.30 дан бошланишини таъкидлади. Шу ўринда, профессор М. Қорабоев сўз олиб, ўқув бинолари орасидаги масофани инобатга олиб, машғулотлар ўртасидаги танаффуслар вақтини, талабаларни дарсларга кеч қолмаслиги учун 10 минут ўрнига 20 минут этиб белгилаш таклифи билан чиқди. Таклиф овозга қўйилди ва бир овоздан маъкулланди.

3. Ҳар хил масала.

Профессор-ўқитувчилар томонидан тайёрланган дарслик, монография, ўқув қўлланмалар, услубий қўлланмалар ва доцентлик уновнига номзодларни тасдиқлаш.

Илмий тадқиқотлар, инновациялар ва илмий педагог кадрларни тайёрлаш бўлим бошлиғи М. Р. Қодирова сўз олиб, берилган хулоса ва тавсияга кўра, ҳамда ижобий тақризларга асосан, “Травматология, акушерлик ва гинекология” кафедраси ассистенти, мустақил изланувчи, О.И. Кузиев, ҳаммуаллифлар т.ф.д. Р.М. Юлдашев ва ТТА “Тиббий радиология” кафедраси ассистенти Ж.К.Эргашевлар томонидан тайёрланган “Гало-аппарат в лечении больных с повреждениями верхнешейного отдела позвоночника” номли услубий тавсиясини Ўзбекистон Республикаси Соғлиқни Сақлаш Вазирлигининг илмий ва инновацияларни ривожлантириш бўлимида тасдиқлатишга тақдим этиш учун овоз беришларини сўради ва таклиф овозга қўйилиб, бир овоздан маъкулланди.

КЕНГАШ ҚАРОРИ:

1. Халқаро олимпиада ғолиблари(олти нафар талабалар)га “Ректор стипендияси” жорий этилсин.
2. “Тиббий профилактика ва жамоат саломатлиги” факультети декан ўринбосари лавозимида фаолият кўрсатаётган Н. Комилов

Институт “Таълим сифати назорати” бўлими бошлиғи лавозимига тайинлансин.


3. Институтнинг Илмий тадқиқотлар, инновациялар ва илмий педагог кадрлар тайёрлаш бўлими бошлиғи – PhD М.Р. Қодированинг “2021/2022 ўқув йилида илмий педагог кадрларни тайёрлаш ҳолати ва режалари” мавзусидаги ҳисоботи, маълумот учун қабул қилинсин.
4. Илмий тадқиқотлар, инновациялар ва илмий педагог кадрлар тайёрлаш бўлими бошлиғи – PhD М.Р. Қодированинг режа асосида олиб борган фаолияти қониқарли деб баҳолансин.
5. Профессор ўқитувчиларнинг илмий фаолияти натижаларини рағбатлантириш учун, уларнинг илмий фаолиятини таҳлил қилувчи ишчи гуруҳ тузилсин ва таклифлар киритилсин.
6. Клиник кафедралар кесимида илмий фаолият олиб боришда дарслик, ўқув қўлланма, монографияларни тайёрлаш устивор бўлиши белгилаб қўйилсин.
7. Фундаментал фанлар кесимида илмий фаолиятни жадаллаштириш, етарли шароитдан унумли фойдаланилгани ҳолда, ҳорижий журналларда илмий мақолаларни чоп этишни кўпайтириш вазифаси юклатилсин.
8. Россия давлати нашриётининг Ўзбекистондаги ваколатли тармоғи “ГЕОТАР-Медиа” билан ҳамкорликни ривожлантириш режаси тузилсин, масъул этиб М.Р. Қодирова тайинлансин.
9. Илмий-амалий ҳамда молиявий самародорлигини ошириш мақсадида “ПЦР” лабараториясини вилоят Юқумли касалликлар шифохонаси худудига жойлаштирилсин.
10. Институт қошида фаолият кўрсатувчи, илмий семинарлар ва конференцияларни ташкил этишга ваколатли, ҳамда мустақил тадқиқотчилар ва илмий ходимлар томонидан тайёрланаётган илмий фаолият маҳсулотларини илк муҳокамасини ўтказувчи “Олимлар кенгаши” тузилсин ва низоми ишлаб чиқилсин, масъул этиб М. Қодирова тайинлансин.
11. "Ёшлар билан ишлаш, маънавий ва маърифий ишлар" бўйича проректор, Д. Холматованинг ҳисоботи маълумот учун қабул қилинсин.
12. "Ёшлар билан ишлаш, маънавий ва маърифий ишлар" бўйича проректор, Д. Холматованинг 2021-2022 ўқув йилидаги режа асосида олиб бораётган фаолияти қониқарли деб баҳолансин.
13. Амалиёт ўтаётган юқори курс, битирувчи талабалар, ҳамда туманларда тиббий кўригда иштирок этаётган профессор ўқитувчилар томонидан, институтимиз газетасини мунтазам тарғиботини олиб боришлари лозимлиги белгилаб қўйилсин, масъул этиб АРМ раҳбари - Каримова тайинлансин.
14. Институтимиз қошида фаолият кўрсатувчи, “Соғлом турмуш тарзи” Ҳалқ Академияси ташкиллансин ва профессор М. Қорабоев билан ҳамкорликда уни низоми ишлаб чиқилсин, масъул этиб М. Қодирова тайинлансин.

15. 2021 йил 1-ноябрдан дарс машғулотлари бир сменада ташкиллансин (3 курс “Даволаш иши” йўналиши бундан мустасно), дарс машғулотларини эртлаб 8.30 дан бошланиши белгилаб қўйилсин. Ўқув бинолари ўртасидаги масофани инобатга олингани ҳолда, машғулотлар орасидаги танаффусни 20 минут қилиб белгилансин.
16. “Травматология, акушерлик ва гинекология” кафедраси ассистенти, мустақил изланувчи, О.И. Кузиев, ҳаммуаллифлар т.ф.д. Р.М. Юлдашев ва ТТА “Тиббий радиология” кафедраси ассистенти Ж.К. Эргашевлар томонидан тайёрланган “Гало-аппарат в лечении больных с повреждениями верхнешейного отдела позвоночника” номли услубий тавсиясига Ўзбекистон Республикаси ССВнинг илмий ва инновацияларни ривожлантириш бўлимида тасдиқлатиш учун йўлланма берилсин.

РЕКТОР

КОТИБ


А. СИДИКОВ


Ж. МАМАСАЙДОВ